

**'Saya tak cium Zul Noordin demi wang'**

**MalaysiaKini.com**

**April 25, 2013**

**Oleh G Surach, The Malay Mail**

Lelaki yang menjadi mangsa kemarahan masyarakat India kerana mencium pipi Datuk Zulkifli Noordin pada hari penamaan calon, tidak kisah walaupun dilabel sebagai "Judas" (pengkhianat) kerana menyokong naib presiden PERKASA yang kontroversi itu.

The Malay Mail bertemu dengan N Devendren (kanan), yang mendakwa anggota MIC, yang sejak hari penamaan calon mendapat cemuhan meluas di media sosial ekoran tindakannya.

"Hidup mesti diteruskan, orang ramai terutamanya masyarakat India ada pandangan mereka tetapi akhirnya saya ada hak untuk pilih siapa yang saya rasa betul," kata ahli perniagaan 32 tahun yang masih bujang itu.

Devendren menafikan dakwaan beliau diberikan wang sebagai balasan menunjukkan sokongan kepada Zulkifli, yang bertanding atas tiket "Rakan BN" menentang penyandang Khalid Samad.

"Saya tak lakukannya untuk wang," katanya ketika ditemui di pusat kempen BN di Seksyen 23 di Shah Alam.

Copyright © 1999-2012 Mkini Dotcom Sdn. Bhd

Source: <http://www.malaysiakini.com/news/228011>